




Vltra Coluanſam ad Septentriones jacet *Mulla*, duodecim millia paſſuum diſtans ab illa. Hæc inſula quatuor & viginti millia in longum, totidem in latum porrigitur, aſpera quidem illa, ſed frugum non infœcunda. Habet ſylvas frequentes, magnosque cervorum greges, portumque ſatis tutum. Ex adverſo inſulæ Columbi habet duos amnes ſalmonum fœcundos: alios item minores non omnino ſteriles: duos item lacus, & in ſingulis inſulas, ſuaſque in eis arces. Mare diverſis in locis irrumpens quatuor facit ſinus, omnes hæc cum abundantes.

Ad Occidentem hibernum ſita eſt *Columbaria*, ſive Inſula columbarum: ad Orientem æſtivum Era: utraque pecori, & frumentis, & piſcatui commoda. Ab iis duo millia paſſuum abeſt inſula D. Columbi, longa duo millia paſſuum, ſupra mille lata, fertilis quidem omnium, quæ ea cæli plaga gignere ſolet, & veteribus, ut in ea gente, monumentis illuſtris: ſed D. Columbi ſevera diſciplina, & ſanctitate clarior. Erant in ea duo monaſteria, alterum Monachorum, alterum Monacharum: curia una, ſive (ut nunc loquuntur) parochialis eccleſia, multaſque ſacella ex munificentia Regum Scotorum, & Regulorum Inſularum. In Cœnobio veteri D. Columbi inſularum Episcopi ſedem ſtatuerunt, vetere domicilio, quod erat in Eubonia, ab Anglis capto. Remanet adhuc inter veteres ruinas ſepulcretum, ſive cæmeterium commune omnium nobilium familiarum, quæ in Occidentalibus inſulis habitabant. Eminent inter cæteros tumuli tres modicis intervallis diſtantes, tribus impoſitis domunculis in Orientem verſis. In Occidentali cujuſque parte lapis inſcriptus quorum tumuli ſint, indicat. Qui medius eſt titulum habet, TVMVLVS REGVM SCOTIÆ. Ferunt enim quadraginta octo Reges Scotorum ibi fuiſſe humatos. In dextro inciuſus eſt titulus, TVMVLVS REGVM HIBERNIÆ. Quatuor enim Reges Hiberniæ illic conditi fuiſſe dicuntur. Qui eſt in ſiniſtra parte, inſcribitur, TVMVLVS REGVM NORVEGIÆ. Hujus enim gentis octo Reges illic fuiſſe ſepultos fama eſt. In reliquo cæmeterio ſeorſum claræ Inſularum familiæ habent ſua conditoria. Circa eam ſex proximæ inſulæ exiguæ, nec tamen

Scotia.

infœcundæ, ab antiquis Regibus, & Inſularum Regulis Cœnobio Columbiæ donatæ fuerunt. *Soa* eſt ovibus commoda habet paſcua, major tamen proventus eſt ex avium marinarum incubatu, & maxime ex ovis. Proxima eſt Mulierum inſula, ac deinde Rudana, mox Reringa. Poſt eam Skennia, quingentos paſſus à Mulla diſtans, habet ſuum parochum: ſed parochiani magna ex parte in Mulla habitant. Littora cuniculis abundant. Ab hac mille paſſus abeſt Eorſa. Hæ omnes Cœnobii Columbi Monachis parent. Ab Eorſa duo millia abeſt Vlva, quinque millia paſſ. longa, frumento, & paſcuſ pro magnitudine fœcunda. Habet ſtationem navibus longis commodam. Auſtrali ejus lateri prætenditur Coluanſa: agrum habet non infœcundum, ac ſylvam colurnam. Ab hac fere trecentos paſſus ſita eſt Gomatra, duo millia longa, mille paſſus lata, à Meridie in Septentrionem excurrens. Deinde à Gomatra quatuor millia paſſuum Meridiem verſus Staſa, utraque portuoſa. Quatuor ab hac millia paſſuum ad Occidentem æſtivum recedunt duæ Kerniburgæ, major, & minor, rupium ita circumvallatæ præcipitiis, & æſtu torrentiſſimo, ut naturali munimento induſtria adjuto ſint plane inexpugnabiles. Ab his mille paſſus diſtat inſula, cujuſ terra fere tota eſt nigra ex putribus vetuſtate ſylvis, & muſco concreta. Ejus glebas ad uſum ignis deſiccant: inde dicta inſula Monadum: nam ita genus illud terræ vocant, quæ Anglico ſermone Moſſa dicitur. Deinde Lunga, duo millia in longitudinem porrecta: dimidio minor Baca. Ab hac ad Occidentem ſex millia recedit Tireia, octo millia longa, tria lata, omnium inſularum omnibus ad vitam rebus neceſſariis longe copioſiſſima. Nam & pecore, & frumento, piſcatu, & marinarum avium fœtu abundat. In ipſa eſt lacus aquæ dulcis, & in ea vetus arx: habet & portum longis navibus non incommodum. Hinc duo millia abeſt Gunna: & à Gunna pari ſpatio Colla, duodecim millia longa, duo lata, imprimis fertilis. Nec procul hinc eſt Caſa, tota prope ſylvis operata. Poſt duæ inſulæ cognominatæ Virides, major, & minor. Item totidem eiſdem cognominibus ex adverſo promontorii Mullæ. Iacent non longe ab ea duæ inſulæ cognominatæ Glaſſæ, hoc eſt, ceruleæ. Deinde Ardan-ridir, id eſt, alta inſula equitis. Deinde Luparia, ſive inſula luporum. Poſt eam inſula Magna.

Hhh